

Na osnovu člana 17. stav (2) tačka 3. Zakona o unutrašnjim poslovima Kantona Sarajevo ("Službene novine Kantona Sarajevo", broj 22/00 - Prečišćeni tekst, 15/02, 18/02 i 28/02) i člana 56. tačka e) Zakona o nabavljanju, držanju i nošenju oružja i municije Kantona Sarajevo ("Službene novine Kantona Sarajevo", broj 38/07), na prijedlog policijskog komesara, ministar unutrašnjih poslova Kantona Sarajevo donosi

## **PRAVILNIK**

### **O SMJEŠTANJU I ČUVANJU ORUŽJA, VOĐENJU EVIDENCIJE O NABAVLJENOM ORUŽJU I MUNICIJI, VOĐENJU EVIDENCIJE O PROMETU ORUŽJA I MUNICIJE I OBRASCIMA I SADRŽAJU OBRAZACA ZA VOĐENJE TIH EVIDENCIJA**

#### **DIO PRVI - OPĆE ODREDBE**

##### **Član 1. (Predmet)**

- (1) Ovim Pravilnikom propisuju se pravila smještaja i čuvanja oružja i municije, način vođenja evidencije o nabavljenom oružju i municiji u državnim organima i drugim pravnim licima, koji nabavljaju i drže oružje i municiju po odredbama Zakona o nabavljanju, držanju i nošenju oružja i municije Kantona Sarajevo, te pravila vođenja evidencija o prometu oružja i municije u pravnim licima koja se bave prometom oružja i municije, o obrascima i sadržaju obrazaca za vođenje tih evidencija.
- (2) Odredbe ovog Pravilnika, koje se odnose na pravila smještaja i čuvanja oružja i municije i način vođenja evidencija o nabavljenom oružju i municiji, ne primjenjuju se na državne organe i druga pravna lica za koja su posebnim zakonom ili propisima donosenim na osnovu zakona regulisana navedena pitanja.

#### **DIO DRUGI - SMJEŠTAJ I ČUVANJE ORUŽJA I VOĐENJE EVIDENCIJA**

##### **Član 2. (Smještaj i čuvanje oružja)**

- (1) Državni organi i druga pravna lica iz člana 1. ovog Pravilnika dužni su da smještaju i čuvaju oružje i municiju u prostoriji koja je obezbjeđena od požara, krađe, pristupa neovlašćenih lica i svake druge opasnosti i zloupotrebe.
- (2) Državni organi i druga pravna lica dužni su da odrede lice koje se posebno stara o izdavanju, preuzimanju i čuvanju oružja i municije, kao i o vođenju evidencije o oružju i municiji koji se izdaju na korištenje njihovim radnicima odnosno članovima.

##### **Član 3. (Evidencija o nabavljenom oružju u državnim organima i drugim pravnim licima)**

- (1) Državni organi i druga pravna lica dužni su voditi Evidenciju o nabavljenom oružju.
- (2) Evidencija o nabavljenom oružju treba da za svako pojedino oružje sadrži slijedeće podatke: redni broj; datum nabavljanja oružja; podaci o oružju i to: vrsta, marka, fabrički broj i kalibar; naziv nadležne policijske uprave i broj i datum odobrenja za nabavku oružja; podaci gdje se oružje nalazi i primjedba.
- (3) Evidencija o nabavljenom oružju iz stava (2) ovog člana vodi se na obrascu broj 1.

##### **Član 4.**

##### **(Evidencija o nabavljenom oružju u državnim organima i drugim pravnim licima)**

- (1) Državni organi i druga pravna lica dužni su voditi Evidenciju o nabavljenom oružju.
- (2) Evidencija o nabavljenom oružju treba da sadrži slijedeće podatke: redni broj; datum nabavljanja municije; naziv nadležne policijske uprave i broj i datum odobrenja za nabavku municije; podaci o municiji i to: vrsta, kalibar broj ili količina; razduženje - podaci o načinu raspolaganja i primjedba.
- (3) Evidencija o nabavljenom oružju iz stava (2) ovog člana vodi se na obrascu broj 2.

##### **Član 5.**

##### **(Evidencije o prometu oružja i municije)**

- (1) Pravna lica koja se bave prometom oružja i municije vode o tome evidencije i to:
  - a) Evidenciju o nabavljenom oružju i municiji,
  - b) Evidenciju o prodatom oružju,
  - c) Evidenciju o prodatoj municiji i
  - d) Evidenciju o oružju i municiji primljenim na čuvanje.
- (2) Evidencije iz stava (1) ovog člana vode se u obliku knjige, koja mora biti tvrdo ukoričena i sa označenim stranicama. Na početku knjige nadležna policijska uprava ovjerava broj stranica. Ova ovjera mora se izvršiti prije početka upisivanja u knjigu.
- (3) Pravna lica koja imaju veliki promet, mogu Evidenciju o nabavljenom oružju i Evidenciju o nabavljenom oružju i municiji voditi u odvojenim knjigama.
- (4) Upis u evidencije vrši se mastilom, čitko i uredno. Ispravke u evidencijama vrše se na taj način, što se pogrešno upisana riječ precrtava tako da ostane čitljiva, a ispravna riječ ispisuje se iznad precrtane riječi. Ispravka se ovjerava potpisom radnika koji je ispravku izvršio i pečatom pravnog lica, uz označenje datuma kada je ispravka izvršena.

##### **Član 6.**

##### **(Evidencija o nabavljenom oružju i municiji)**

- (1) U Evidenciju o nabavljenom oružju i municiji upisuju se slijedeći podaci: redni broj; od koga je nabavljeno oružje - municija; datum prijema i broj dostavnice; podaci o oružju (vrsta, marka, fabrički broj, kalibar i komada); podaci o municiji (vrsta, kalibar i broj ili količina) i primjedba.
- (2) Evidencija iz stava (1) ovog člana vodi se na obrascu broj 3.

##### **Član 7.**

##### **(Evidencija o prodatom oružju)**

- (1) U Evidenciji o prodatom oružju upisuju se slijedeći podaci: redni broj; datum prodaje oružja; prezime i ime - naziv kupca, adresa prebivališta odnosno sjedišta kupca; podaci o oružju (vrsta, marka, kalibar i fabrički broj); naziv policijske uprave koja je izdala odobrenje za nabavku oružja i broj i datum odobrenja za nabavku; serijski broj i mjesto izdavanja lične karte lica kupca oružja i primjedba.
- (2) Evidencija iz stava (1) ovog člana vodi se na obrascu broj 4.

##### **Član 8.**

##### **(Evidencija o prodatoj municiji)**

- (1) U Evidenciju o prodatoj municiji upisuju se slijedeći podaci: redni broj; datum prodaje municije; prezime i ime - naziv kupca; adresa prebivališta odnosno sjedišta kupca; podaci o municiji (vrsta, kalibar, broj ili količina); registarski broj oružnog lista - odobrenja za držanje i naziv policijske uprave koja ga je izdala; broj i datum odobrenja za nabavku municije i naziv policijske uprave koja ga je izdala; serijski

broj i mjesto izdavanja lične karte kupca municije i primjedba.

- (2) Evidencija iz stava (1) ovog člana vodi se na obrascu broj 5.

#### Član 9.

##### (Evidencija o oružju i municiji primljenim na čuvanje)

- (1) U Evidenciju o oružju i municiji primljenim na čuvanje upisuju se slijedeći podaci: redni broj; prezime i ime odnosno naziv državnog organa i drugog pravnog lica i adresa prebivališta, odnosno sjedišta; datum predaje - prijema oružja, podaci o oružju (vrsta, marka, kalibar i fabrički broj); podaci o municiji (vrsta, kalibar, broj ili količina), registarski broj oružnog lista - odobrenja za držanje i naziv policijske uprave koja ga izdala; serijski broj i mjesto izdavanje lične karte lica koje predaje oružje, odnosno municiju na čuvanje i primjedba.

- (2) Evidencija iz stava (1) ovog člana vodi se na obrascu broj 6.

#### Član 10.

##### (Način vođenja evidencija)

- (1) Evidencije iz čl. 3., 4., 6., 7., 8. i 9. ovog Pravilnika vode se odvojeno za svaku kalendarsku godinu.
- (2) Po isteku kalendarske godine evidencije se zaključuju sa posljednjim rednim brojem upisa za proteklu godinu i zaključenje se ovjerava potpisom ovlaštenog radnika i pečatom državnog organa ili drugog pravnog lica. Ako se sa upisima nastavlja u istoj knjizi, pri vrhu stranice ispusuje se nova tekuća kalendarska godina i sa upisima se počinje od rednog broja "1".

#### Član 11.

##### (Vremenski period čuvanja evidencija)

Knjige evidencija propisanih ovim Pravilnikom čuvaju se najmanje pet godina od dana posljednjeg upisa u tim knjigama.

### DIO TREĆI - PRIJELAZNE I ZAVRŠNE ODREDBE

#### Član 12.

##### (Obrasci)

Za vođenje evidencija propisanih ovim Pravilnikom državnih organa i druga pravna lica koristeće obrasce broj 1 do 6 koji su sastavni dio ovog Pravilnika.

#### Član 13.

##### (Rok za ustrojavanje evidencija)

Državni organi i druga pravna lica koji smještaju i čuvaju oružje i municiju i pravna lica koja vrše promet oružja i municije u skladu sa Zakonom o nabavljanju, držanju i nošenju oružja i municije, dužna su ustrojiti evidencije propisane ovim Pravilnikom u roku od 3 mjeseca od dana njegovog stupanja na snagu.

#### Član 14.

##### (Ravnopravnost spolova)

Gramatička terminologija u ovom Pravilniku podrazumijeva uključivanje oba spola.

#### Član 15.

##### (Prestanak važenja ranijeg propisa)

Stupanjem na snagu ovog Pravilnika prestaje da važi Pravilnik o smještaju i čuvanju oružja i municije, o vođenju evidencije o nabavljenom oružju i municiji, o vođenju evidencije o prometu oružja i municije i o obrascima i sadržaju obrazaca za vođenje tih evidencija ("Službene novine Kantona Sarajevo", br. 5/02).

#### Član 16.

##### (Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-940/07

27. decembra 2007. godine  
Sarajevo

Ministar

Željko Mijatović, s. r.

Na osnovu člana 17. stav (2) tačka 3. Zakona o unutrašnjim poslovima Kantona Sarajevo ("Službene novine Kantona Sarajevo", broj 22/00 - Prečišćeni tekst, 15/02, 18/02 i 28/02) i člana 56. tačka b) Zakona o nabavljanju, držanju i nošenju oružja i municije Kantona Sarajevo ("Službene novine Kantona Sarajevo", broj 38/07), na prijedlog policijskog komesara, ministar unutrašnjih poslova Kantona Sarajevo donosi

### PRAVILNIK

#### O NAČINU VOĐENJA EVIDENCIJE O POPRAVLJENOM I PREPRAVLJENOM ORUŽJU I O OBRASCIMA I SADRŽAJU OBRAZACA ZA VOĐENJE OVE EVIDENCIJE

### DIO PRVI - OPĆE ODREDBE

#### Član 1.

##### (Predmet)

Ovim Pravilnikom propisuje se sadržaj, način ustrojavanja i vođenja Evidencije o popravljenoj i prepravljenoj oružju.

#### Član 2.

##### (Ravnopravnost spolova)

Gramatička terminologija u ovom Pravilniku podrazumijeva uključivanje oba spola.

### DIO DRUGI - EVIDENCIJA

#### Član 3.

##### (Evidencija o popravljenoj i prepravljenoj oružju)

- (1) U pravnim licima i samostalnim zanatskim radnjama koje se bave popravljanim i prepravljanim oružja, vodi se evidencija o popravljenoj i prepravljenoj oružju u koju se upisuju: redni broj; datum prijema oružja radi popravke - prepravke; prezime i ime, odnosno naziv i adresa prebivališta, odnosno sjedišta vlasnika oružja; registarski broj oružnog lista - odobrenja za držanje i naziv policijske uprave koja ga je izdala; podaci o oružju (vrsta, marka, fabrički broj i kalibar); u čemu se sastoji popravka - prepravka oružja; datum preuzimanja oružja sa potpisom lica koje je preuzelo oružje i serijskim brojem lične karte te nazivom policijske uprave koja je izdala ličnu kartu i primjedba.
- (2) Evidencija o popravljenoj i prepravljenoj oružju iz stava (1) ovog člana vodi se na obrascu broj 1 koji je sastavni dio ovog Pravilnika.

#### Član 4.

##### (Način vođenja Evidencije o popravljenoj i prepravljenoj oružju)

- (1) Evidencija iz člana 3. ovog Pravilnika vodi se u obliku knjige, koja mora biti tvrdo ukoričena i sa označenim stranicama.
- (2) Na početku knjige, nadležna policijska uprava ovjerava broj stranica. Ova ovjera mora se izvršiti prije početka upisivanja u knjigu.
- (3) Upis u knjigu vrši se mastilom, čitko i uredno. Ispravka u knjizi vrši se na taj način, što se pogrešno upisana riječ precrta tako da ostane čitljiva, a ispravna riječ se upisuje iznad nje. Ispravka se ovjerava potpisom radnika koji je ispravku izvršio i pečatom pravnog lica odnosno samostalne